



2014/15

Uorden disciplinar

SCOLA SEDRUN



Uorden disciplinar

Sebasond sin art. 55 dalla Lescha da scola cantunala dils 02-03-2012, sin art. 54 dall'Ordinaziun tier la lescha da scola cantunala sco era sin art. 12².¹³ digl Uorden da scola dalla vischnaunca Tujetsch, relai il Cussegl da scola il suandont uorden disciplinar.

1) Disposiziuns generalas

a) Intent

Ensemen cugl uorden da scola gida igl uorden disciplinar da contonscher in menaschi da scola che lubescha da luvrar, scolar e sescolar a moda efficienta ed emperneivla.

b) Valeivladad

Igl uorden disciplinar vala per tut las scolaras/ils scolars dalla scola dalla vischnaunca Tujetsch.

2) Disciplina en scola

a) Reglas da secutener

- Las scolaras/ils scolars han da secutener vicendeivlamein a moda discreta e toleranta e da tralasar remarclas offendentas. Las scolaras/ils scolars sedeportan andantamein denter els, enviars personas d'instrucziun, autoritads da scola e personal da scola.
- Las directivas dallas personas d'instrucziun, dallas autoritads da scola, dil personal da scola e dils manischunzs dil bus da scola ein d'observar.
- Las scolaras/ils scolars eviteschan tut quei che disturba il menaschi da scola.
- Senza lubientscha d'ina persona d'instrucziun eis ei buca lubiu allas scolaras/als scolars da bandunar il plaz scola duront il temps da scola.
- Ils temps da scola ein d'observar strictamein.

b) Localitads, indrezs, urdeins

- Las scolaras/ils scolars han quitau dils indrezs e dallas localitads sigl areal da scola sco era dils urdeins, dil material da scola e dils mieds da transport. Donn caschunai cun cuolpa dils affons ston vegnir indemnisai dils geniturs.
- Igl uorden da casa ei d'observar.

c) Mieds nuscheivels

- Fimar e consumar ni posseder bubrondas alcoholicas e drogas ei strictamein scumandau sigl areal da scola sco era duront occurrenzas da scola.

d) Violenza

- Sigl areal da scola ed a caschun d'occurrenzas da scola vegn tolerau negina violenza, ni fisica ni psichica.

e) Viadi a scola

- Pii viadi a scola han ils geniturs (ni la persona responsabla per l'educaziun) la responsabladad e l'obligaziun da survigilanza. L'excepziun ein transports organisai dalla scola.

3) Castitgs disciplinars, cumpetenzas, procedura

a) Castitgs disciplinars

- Surpassaments digl uorden disciplinar vegnan puni cun admoniziuns, lavurs da castitg, arrests ni lavurs specialas sut survigilonza.
- Durent igl arrest e la lavur speciala stattan las scolaras/ils scolaras sut survigilonza. Il cuoz maximal pils arrests e per las lavurs specialas munta a 4 mezs dis per cass.
- La persuna responsabla per l'educaziun ei d'infomar davart mintga mesira disciplinara entras l'istanza che decida.

b) Cumpetenzas

- La persuna d'instrucziun ed il meinascola san ordinar admoniziuns a scret ni a bucca, lavurs da castitg ed arrests da tochen in mezs di per cass.
- Il Cussegl da scola ha la cumpetenza d'ordinar tut ils castitgs disciplinars pusseivels.
- En cass da grevs surpassaments disciplinars ni da tenutas repetidamein munglusas en scola sa il Cussegl da scola sclauder scolaras/scolars dalla scola, quei tenor la Lescha da scola cantunala (LS art. 55) respectiv tenor l'Ordinaziun da scola cantunala (OS art. 54).

c) Constatar il causal, udida da dretg

- Gener e circumstanza dil surpassament disciplinar ein da sclarir. La scolara/il scolar ei da tedlar.
- En cass ch'in arrest che survarga in mezs di ni ina lavur speciala sut survigilonza stattan en damonda eis ei da tedlar ils geniturs respectiv lur representants avon che prender ina decisiun. La decisiun ei da comunicar ad els a scret cun aschuntar ils motivs.

d) Recuors

- Encunter decisiuns da castitgs disciplinars entras la persuna d'instrucziun ni entras il meinascola sa vegnir fatg recuors tier il Cussegl da scola enteifer 10 dis suenter la communicaziun (art. 14 digl Uorden da scola).
- Sebasond sin la Lescha cantunala da scola san persunas directamein pertuccadas recuorer enteifer 10 dis tier il Departament d'educaziun, cultura ed ambient encunter decisiuns pridas entras il Cussegl da scola.

4) Disposiziuns finalas

a) Informaziun

Davart cass disciplinars informeschan las persunas d'instrucziun, il meinascola e las autoritads responsablas ina l'autra commensuradamein cun risguardar l'obligaziun da discreziun.

b) Execuziun

Las persunas d'instrucziun, il meinascola ed il Cussegl da scola ein mintgamai responsabels per l'execuziun dils castitgs ch'els han ordinau. L'execuziun sa era vegnir delegada a persunas d'instrucziun ed ad autras persunas ni instanzas.

c) Vigur

Quei uorden disciplinar entra en vigur cun l'entschatta digl onn da scola 2015/2016. El remplazza tut ils uordens disciplinars valeivels tochen uss.

Approbaus dil Cussegl da scola e dalla meinascola ils 30 d'october 2014.